



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Ordo Supplendi in ecclesia solennes Baptismi c[a]eremonias, cùm infans  
domi ob necessitatem baptizatus est.

**urn:nbn:de:hbz:466:1-11399**

V. Procedamus cum pace.

R. In nomine Christi.

V. Benedicamus Domino.

R. Deo gratias.

V. Benedictio Dei omnipotentis, Patris, & Filij, & Spiritus sancti descendat super te, & maneat semper. R. Amen.

Quæ seruanda sunt post Baptismum.

**B**APTISMO expleto, medulla patris digitos Parochus absterget: aqua manus ambas solus lauabit, neque vllus præterea alius: aquam ablutionis in sacrarium statim effundet.

Si quæ autem linteola ad abstergendum infantis caput allata erunt, ea sic adhibita, in vsum profanum non conuertet. quod si ecclesiæ vsibus accommodari nequeunt, comburet: cinerem verò in sacrario recondet.

Lotis manibus, sermonem pro personarum multitudine, statuq; habebit; in quo præter cetera aliquam etiam considerationem Christianam explicabit de solenni sponione, quam vnusquisque fidelis in Baptismo facit; vt fideles qui ad sunt, tam sanctæ promissionis recordatione excitati, videant, atque exequantur, quæ solenniter sponderunt.

Compatres præterea monebit, docebitq; eorum officij partes, quas pro susceptionis, fidei sponione munere præstare debent; vt scilicet, quemadmodum sanctus Augustinus monet, infanti semper sollicitudinem veræ charitatis impendant, curentq; vt is instituat doctrinæ Christianæ rudimentis: admoventq; vt idem castitatem custodiat; à maledicto, & periurio linguâ cohibeat; cantica turpia & obscena non proferat; superbia non efferatur; nõ inuideat; iracundiam, odiumve in corde non teneat; & alia id generis.

Demonstrabit item cognationem spirituales, quæ inter Compatres & baptizatum, illiusq; patrem & matrem; ac præterea inter baptizantem, baptizatum, baptizatiq; patrem & matrem tantum contracta est.

Quæ cognatio spiritualis, docebit, quæ mutuis sanctæ charitatis officijs, & quæ sincere, & quæ castè i primis colenda sit.

Monebit, de pœna excommunicationis decreto Concilij Prouincialis proposita ipso facto subeunda, si ante annum exactum puerpera, nutrixve, aut alia quæuis mulier, aut alius quicunque vir, infantem vnà secum in lecto teneat sine præscripta cautione; aut si quis id facere coegerit.

Monebit item, vt puerpera, simulatq; domo pedem à partu effert, ecclesiam parochialem adeat, vbi benedictionem accipiat, statâ prece præscripta in huius libri parte secunda.

Cauebit, nè ob eam causam ipse puerperæ domum ingrediatur, etiam si illa ad uersâ valetudine laboret.

Neque eidem panem benedictum sub hostiæ forma præbebit.

Cauebit à comestationibus Baptismi tempore, etiam domi parentum infantis.

Notabit præscripta ratione in libro baptizatorum, antequam discedatur, si comode fieri potest, nomina, & cognomina, ac patriam infantis, parentum, & patris, ac matris, siue in ecclesia, siue domi infans baptizatus est: annum item, & diem, ceteraq; ad præscriptum formulæ tradite.

Monebit denique eundem Baptismi diem à parētibus notari: vt quo die infans baptizatus est, eum ex instituto patrum, quotannis ardentiori prece, elemosina si per facultates potest, omniq; charitatis opere atque officio, spiritualisq; gaudij celebritate recolat: memor se chyrographo damnationis deleti, hæreditatis cœlestis participem in Christo Domino factum esse. Repete, inquit sanctissimus pater noster Ambrosius, quid interrogatus sis; recognosce, quid responderis. Renunciaisti Diabolo, & operibus eius, mudo, & luxuriæ eius, ac voluptatibus. memor esto sermonis tui, & nunquã tibi excidat tuæ series cautionis.

#### Ordo

Supplendi in ecclesia solennes Baptismi ceremonias, cum infans domi ob necessitatem baptizatus est.

**P**AROCHEVS superpelliceo & stola violacea indutus, in limine ecclesie

stet

fig de infante domi baptizato in vestibulo ecclesie oblato, vt superius dictum est, interrogat, deinde à patrino nomen infantis inquirat, tū illū appellans dicit:  
N. Memor esto sermonis tui, &c. vt supra.

Deinde Parochus pollice & indice scilicet liua oris superfuso, tangit infantis aures, primò dexteram, deinde sinistram dicendo:

Epheta, quod est, adaperire, &c. vt supra.

Hic oleo catechumenorum pollice suo inuncto eum vngit in pectore, & inter scapulas, signum crucis faciendo, simulq; dicendo:

Ego te linio oleo salutis, &c. vt supra.

Postea bambacio partes vnctas abstergit: ac deinceps dicit:

V. Dominus vobiscum.

R. Et cum spiritu tuo.

Oratio. Aternam, ac iustissimam pietatem tuā deprecor Domine sancte, &c. vt supra.

Hic illum appellans signat in fronte signo Crucis, his verbis:

N. Accipe signū sanctę Crucis, &c. vt supra.

V. Dominus vobiscum.

R. Et cum spiritu tuo.

Oratio. Deus, cui ad initiandum nulla paruitas non idonea est, &c. vt supra.

Hoc loco Parochus exorcizat, & benedicit sal. vt supra.

Deinde accipit sal benedictum, &c. vt supra.

V. Dominus vobiscum.

R. Et cum spiritu tuo.

Oratio. Deus patrum nostrorum, &c. vt supra.

Deinde stola alba suscepta, introducit eum in Ecclesiam, & ait.

Ingrede fili, &c. vt supra.

Dum accedit ad fontem, potest dicere psalmum.

Sicut ceruus desiderat ad fontes aquarum, &c. vt supra.

Infans apud sacrum fontem humi collocatur: & sacerdos vnā cum compatre, comatreve dicit,

Credo, & Pater noster, vt supra.

V. Dominus vobiscum.

R. Et cum spiritu tuo.

Oratio. Omnipotens sempiternus Deus, respice propitius de excelsa sede maiestatis tuę super hunc famulum tuū N. qui ad tuam cucurrit ecclesiam. Per Dominum nostrum, &c.

Deinde dicit cum compatre Litaniā genibus flexis, vt supra.

Postea persequitur reliqua omnia vt supra vsq; ad finem.

#### De Baptismo adultorum.

**L**ICET Episcopalis curę sit, quemadmodum concilij Provincialibus decretum est, vt que cura, & diligentia ex canonum prescripto, Patrumq; doctrina adhibenda est, in ijs ad Baptismū admittendis, qui adulta, seu perfecta sunt ætate, ea ne vilo modo omittatur, Episcopi plerumq; eius ætatis homines ipsi baptizare soleant: hoc tamen loco ea res omnino prætermittenda non fuit.

Cum is Baptismū petit, siue Iudæus ille sit, siue paganus, siue alius; primò querantur testimonia certa de eius conditione, antea acta vita, statuq; omni: & hominis voluntas diligenter exploretur; vtum ex animo, veraq; pietate Baptismum petat.

Si ita comperiat, per pium religiosumq; virum inquiratur, vtum priorē vitæ rationē deserere verē proponat; vtum peccatorum suorum pœniteat, atque in posterum abstinere statuat.

Ad quæ si ille rectē, pieq; animo sit paratus; tum idoneo religiosoq; viro committatur, à quo per aliquot menses (nisi iusta, vel necessaria causa breuius spatij requirat) fidei doctrina, & Christianæ vitæ institutionibus accuratē erudiat; & congrua quoq; abstinentia exerceat.

Cum satis fuerit Archiepiscopi arbitrio Christianē instructus, ad Ecclesiam ducatur communi vestitu, albam vestē mox post Baptismum ritē accepturus; eiq; statē ceremoniæ adhibeantur ex ordine Baptismi paruulorum.

Et quoniam dilatio Baptismo adulti conuenit, poterit plerumq; ad maiorem sacramenti cultum, vnum ex statibus temporibus Paschatis, & Pentecostes expectari.

Interroganti respondeat ipse, non patrinus; quod si fortē mutus, aut furiosus bapti-

Prou. 5. tit.  
de Bapt. p.  
119. 6. Lib. 11.